



**NOGOMETNI/FUDBALSKI SAVEZ BOSNE I HERCEGOVINE**  
**НОГОМЕТНИ/ФУДБАЛСКИ САВЕЗ БОСНЕ И ХЕРЦЕГОВИНЕ**  
**BOSNIA AND HERZEGOVINA FOOTBALL FEDERATION**

Bulevar Meše Selimovića 95, 71000 Sarajevo, Bosna i Hercegovina  
Telefon: +387 33 276 676; Fax: +387 33 444 332  
Email: [info\\_nsbih@nsbih.ba](mailto:info_nsbih@nsbih.ba); [www.nfsbih.ba](http://www.nfsbih.ba)



**PREDMET:** Najava upisa na kurseve za 2022. kalendarsku godinu

Poštovani,

Ovim putem vas obavještavamo da ćete 01.12.2021. godine na ovoj web stranici pronaći obavijesti za upis svih kurseva u narednoj kalendarskoj 2022. godini. Za svaki kurs će biti posebna obavijest u kojoj ćete imati sve potrebne informacije, vezane za uslove upisa, rokove i način dostave aplikacije. Prijave na sve kurseve će biti od 01.12.2021. do 31.12.2021. godine.

Potpisivanjem nove UEFA Konvencije od 2020. godine, NS/FS BiH je preuzeo obavezu da započne edukaciju trenera na nekoliko novih UEFA kurseva u 2022.godini. To se prije svega odnosi na upis na slijedeće diplome i licence:

1. UEFA C diploma i licenca,
2. UEFA B Omladinska diploma i licenca,
3. UEFA A Elite Youth diploma i licenca,
4. UEFA B GK diploma i licenca,
5. UEFA B Futsal diploma i licenca.

Upis za UEFA A GK licencu ćemo vršiti tokom 2022. godine, dok završimo bar jednu grupu sa UEFA B GK licencom, kako bi imali dovoljno kandidata. Naravno da ćete o svim bitnim informacijama vezanim za ovaj kurs, biti blagovremeno informisani.

U 2022. godini ćemo vršiti upis trenera i na do sada standardne UEFA licence koje se odnose za rad sa seniorima na amaterskom i poluprofesionalnom nivou a to su:

1. UEFA B diploma i licenca i
2. UEFA A diploma i licenca.

Upis na UEFA PRO kurs ove godine neće ići jer je edukacija 12. generacije u toku i tek kada oni završe sa svim rezidencijalnim blokovima, stičemo pravo upisa naredne generacije a to je 12. mjesec 2022. godine.

Za narednu 2022. godinu smo također planirali upis na specijalističke kurseve na nacionalnom nivou i to:

1. Nacionalni sertifikat za trenera golmana/vratar,
2. Nacionalni sertifikat za trenera futsala,
3. Nacionalni sertifikat kondicijskog trenera
4. Nacionalni sertifikat za Tehničkog/sportskog direktora.

Za potrebe Grassroots fudbala, u okviru kojeg se nalazi školski fudbal i festivali, u narednoj godini ćemo također započeti sa edukacijom trenera za UEFA leaderski sertifikat.

